

TOUJOUR PAS DE LÈI...

La secretairis d'Etat cargado dis Esport, Dono Rama Yade, nous es vengudo dire l'interrogacioun d'ou Gouvèr...

Pajo 2

Prouvènço aro

Mars 2010

n° 253

2,10 €

Tour d'Éuropo di lengo

Es li bretoun qu'an agu l'idèio d'ales-ti aquéu proujèt tras l'Unioun Éuropenco. Anaran à biciuclèto vèire lis ami dis àutri minourita linguistico d'Éuropo. Un viage linguisti que tapara 19.000 km e que rescountrara dins li 60 minourita ! Partiran lou 2 d'abriéu de 2010.

Li persounalita bretouno di mitan culturau e espourtiéu soustènon bèn entendu aquéu proujèt tant espourtiéu que culturau e li champioun bretoun saran de la partido. N'i'aura 7 (!) que lou mai counègu belèu sara Bernat Hinault. Lis istitucioun regiounalo e despartamentalo, lis escolo bilengo e l'Istitut Culturau de Bretagno coume l'Ofice de la Lengo bretouno ajudaran.

L'idèio es de presenta la culturo e la lengo bretouno à touto l'Éuropo e d'adurre un message de respèt de la diversita linguistico. De mai, lou rescontre e l'escàmbi ajudaran à la descuberto de l'Autre, d'un biais pedagogi e sara pièi impourta dins li classo bilengo.

Sara tambèn un biais de faire oubra ensèn de Bretoun de tóuti li mitan: assouciacioun, couleitiveta, espourtiéu, entre-presò, etc, e de faire prene counsciènci i Bretoun de l'impourtant de sa lengo.

E coume, avans l'arribado à Roscoff, faran estapo à Brussello pèr prene lengo emé lou coumissàri éuropen carga d'ou plurilinguisme, ié baiaran un compte-rendu de soun viage.


Mai pèr tout acò bèu, fau counèisse lis àutri minourita e agué de countat de pertout. Un gros travai. Sabèn que passaran à Marsiho en venènt de Corso e avans de parti vers la Catalogno. Vous n'en diren mai quand saupren li dato.

Peireto Berengier

Entre-signe : Emmanuel Le Merlus
(pourtable : (+33) 6 7735 1597)

Association
« Unis dans la Diversité Linguistique »

Ok pèr la lengo



La lengo d'Ok

Pèr afirmacioun, li jouini Prouvençau dison plus o, mai ok.

Pajo 2

Reinat Cassin

L'aparaire di Dre de l'Ome, Pres Nobel de la Pas, un nissart de la bono.

Pajo 7

Gui Teissier

Un ome poultic estaca i tradicioun e à la culturo prouvençalo dins Marsiho.

Pajo 12

Repepiage

La repepiarié coumencè lou proumié de febré 2010: s'es mai afourti à l'Assemblado Naciounalo que la proumoucioun de la francoufounio e de la lengo franceso soun uno priourita pèr la Franço.

Adounc lou 2 de febré, quouro Dono Marivouno Blondin venguè emé soun proujèt de lèi toucant li lengo regiounalo, pensas un pau ! Zou de ramenta que lou candidat Micoulau Sarkozy, en 2007, s'engajavo pèr la preservacioun e la proumoucioun de la diversita cultura-lo e linguistico de la Franço, emé soun idèio "qu'un texte de loi posant leur reconnaissance juridique et retenant des propositions concrètes est la solution la plus efficace." Un engajamen que fuguè renouvela lou 7 de mars 2008 pèr Dono Albanel, ministro de la Culturo... Zou de pausa la questioun: Lou Gouvèr o pulèu lou Presidènt de la Republico vai teni si promesso ?

La delegado, mandado pèr respondre fuguè Dono Rama Yade, secretairis d'Etat cargado dis Esport, vai-t'en saupre perqué ?

La galanto secretairis counèissé la responso de pèr cor: Lou gouvèr s'interrogo sus la pertinènci d'uno intervencioun legislativo suplementari, tant que tóuti li poussibleta eisistantsaran pas estado esplourado nimai aplicado. Reflechissèn en aqueste moumen, dins un esperit de councertacioun intermenisterialo e en assouciacioun emé li couleitiveta loucalo, lis óufice public di lengo regiounalo e lis atour pertouca, au biais lou mai just de respondre à l'eisigènci de proumoucioun d'aquéu patrimòni.

L'interrogacioun risco mai d'être longo...